

Un medicijnkastjes en medicijnwagens, Aparato di Oxigweno, uitzuigapparaat

DIARIO BISHITANDO MARIS STELLA

ORANJESTAD (AAN) -- DIARIO a bishita Huis Maris stella unda a conversa cu Sra. Agnes Gorissing, cabe-sante, kende tin 20 aña ta trahando den cuida di anciano.

Na 1974 el a duna les y a practica Biologia pa enfermero specializa den cuida di anciano, ya cu antes school pa enfermeria tabata funciona aki, unda e diplomanan tabata reconoci pa Hulanda. Despues Paso Sigur a tuma e estudio aki over.

Maris Stella tin 21 aña como cas pa anciano, y como cu opleiding ta asina importante pa SABA, temporalmente e directiva hunto cu e coordinador ta organiza cursonan na Maris Stella, duna pa hendenan capacita.

Un curso hopi importante cu nan a haya tabata riba e terminologia di Dr. Posner pa combati dolor, cual a worde duna pa e Asistente di e especialista aki.

Esaki tabata hopi balioso den e area di anciano cu tin dolor.

Tambe tin biaha nan ta combina pa e trahador bay hospital pa haya upgrading.

Algun di e grandinan cu ta keda ma Maris Stella mescos cu tur otro cu ta keda na Playa of na San Nicolas, unda cu DIARIO tambe a bay, ta sinti falta di nan familia ora nan no ta bishita

nan.

"Tin anciano cu ta keha di tur cos pa nan bay cas. Tin ta bisa por ehempel cu nan no a haya cuminda mientras cu nan a come. Algun ta lubida cu a come caba.

Den casonan asina e familia mester yega na e cabe-sante y puntra".

E anciano ta muestra su soledad y tristeza ora cu nan famianan no ta bishita nan regularmente.

Algo cu no mester sosode, pero mas bien e famianan mester bin y trece un "cariño" pa e anciano cu ta haya den bashi si e familia no bin cerca dje, y lo ta bon pa muestra aprecio pa loke e grandinan a haci caba pa nan.

Maris Stella ta alberga 104 grandi y ta conta cu un personal di 80 trahador, entre personal di enfermeria, cushina, laundry. E laundry ta prestando servicio pa 3 cas di anciano.

Recientemente Maris Stella a perde di Shon Ca, e anciana di mas edad cu tabata tin. Awor tin dos anciano di mas edad, cu ta Lorensa de Cuba (99) y Comes Noguera (99).

Comes Noguera ta e promer persona cu a toca wiri na Aruba y Cah'i orgel, cu el a siña desde su 6 aña di edad. E ta bon conoci como un hende cu a amenaza hopi fiesta di Dande, y tin biaha ora

tin Cah'i orgel y wiri na Maris Stella e ta toca tambe.

NECESIDADNAN

Tambe Maris Stella tin necesidad di cierto equiponan, e.o. rolstoel. Mayoria cu tin no ta funciona, y aunque poco dia pasa nan a haya 6 nobo, e cantidad aki no ta suficiente.

Ademas mester di un cooler, (heavy-duty) patienten heffer y brandcard.

Un problema cu e ancianonan ta confronta ta cu hopi remedinan pa pacient di PPK no ta worde duna mas pa gobierno, e.o. vitamina.

Pues lo ta bon si por haci un excepcion pa e parti di ancianonan cu mayoria di biaha mester di vitaminanan como algo fundamental.

Tambe DIARIO a conversa cu Theo Hievinger, miembro di staff di Huis Maris Stella, kende tin 19 aña ta trahando cu grandinan. E ta gradua den Geriatria. Semper el a gusta duna hendenan grandi atencion y su deseo ta



pa wak mas muchanan homber cu ta scoge e carera di enfermeria traha den e tereno di cuida di anciano.

Hopi pasenshi, cariño y disposicion bo mester pa haci e trabao aki, pero semper e ta worde recompensa. E no ta kere cu ningun anciano ta fastioso, pero solamente sernan humano cu mester di hopi atencion y cu a haci

hopi den nan hubentud pa nos comunidad.

Flora de Bie tambe ta parti di e staff di Maris Stella, unda pa 4 aña caba e ta trahando. Na su opinion tin cierto remedinan cu por worde traha na Aruba mes, e.o. antiacido cu ta hopi usa pa ancianonan, pa asina e costo bira mas economico y accesible pa e grandinan.

